



Број/Број: 03/1-50-1-9-13/08
Сарајево/Сарајево, 14.2.2008.године

Z A P I S N I K

13. sjednice Zajedničke komisije za odbranu i sigurnost BiH Parlamentarne skupštine BiH, održane 14.02.2008., u vremenu od 13,00 do 14,00 sati

Sjednici su prisustvovali članovi Zajedničke komisije: Brako Zrno, Šefik Džaferović, Slobodan Šaraba, Jozo Križanović, Hazim Rančić, Adem Huskić i Ivo-Miro Jović.

Odsustvo sa sjednice su pravdali: Sulejman Tihić, Dušanka Majkić, Mirko Okolić, Drago Kalabić i Vinko Zorić.

Sjednici su prisustvovali i gosti , kao i predstavnici Sekretarijata Parlamentarne skupštine BiH:

- Lejla Hadžihanović, NATO Štab u Sarajevu;
- Dragica Hinić, sekretar Zajedničke komisije za odbranu i sigurnost BiH, Željko Grubešić, savjetnik u Zajedničkoj komisiji za odbranu i sigurnost BiH i Jovica Katić, stručni saradnik.

Početak sjednice predsjedavao je Šefik Džaferović, prvi zamjenik predsjedavajućeg Zajedničke komisije, a zatim Branko Zrno, predsjedavajući Zajedničke komisije za odbranu i sigurnost BiH.

Za razmatranje na sjednici predložen je sljedeći

DNEVNI RED:

1. Razmatranje Rezolucije o spremnosti Bosne i Hercegovine za NATO integracije (predlagači: poslanici Milorad Živković i Halid Genjac i delegat Ivo Miro Jović)

Predloženi dnevni red članovi Zajedničke komisije jednoglasno su usvojili.

Ad. 1. Razmatranje Rezolucije o spremnosti Bosne i Hercegovine za NATO integracije (predlagači: poslanici Milorad Živković i Halid Genjac i delegat Ivo Miro Jović)

Šefik Džaferović informirao je da je cilj predložene Rezolucija želja za isticanjem jasnog opredjeljenja Bosne i Hercegovine na njenom putu ka evroatlanskim integracijama pred predstojeći NATO samit u Bukureštu.

Potom je nakon kraće rasprave predložio da se tekst Rezolucije u alineji 5. dopuni, tako da glasi: „-ističu van svake sumnje reformsko opredjeljenje Bosne i Hercegovine, a naročito činjenicu da reforma odbrane zadržava dobar pravac i potreban tempo. Kao logičan i naredni viši nivo naših

odnosa u najmanju ruku vide intenziviranje dijaloga, a bili bi izuzetno zadovoljni zaključivanjem Akcionog plana za članstvo u NATO (MAP)“.

Jozo Križanović podržao je također prijedlog Rezolucije, jer ona predstavlja dobar signal za BiH. Predložio je da se u alineji 6., iza riječi „Bosne i Hercegovine“ brišu riječi „u vezi“ i dodaju riječi „na daljem reformskom putu i“, a da ostali tekst ostane isti.

Odlučivanje

Po okončanoj raspravi članovi Zajedničke komisije su jednoglasno, sa 7 glasova „za“, prihvatili tekst Rezolucije o spremnosti Bosne i Hercegovine za NATO integracije, sa naprijed navedenim izmjenama i dopunama u alinejama 5. i 6., i uputili je u dalju parlamentarnu proceduru s prijedlogom za usvajanje.

Zapisnik sačinila
Dragica Hinić

Predsjedavajući
Zajedničke komisije
Branko Zrno